

文昌塔

郡城南隅無高岡江流斜去形家所忌故民無貯蓄科目亦
寥寥乃請於大吏造塔以鎮之名文昌塔取丁火文明之義
纍纍七層高十丈峭矗如文筆

舊志

雙鶯墳

雙鶯墳在東郭茶亭前昔有陳鶯者結識雛妓玉鶯一夕忽
以髮相結自經救之越夕仍同縊死人憐其情合葬之今春
秋佳日好事者多憑弔之

董公墓

董公墓在縣東黃姜嶺下漢董恭徙合浦葬此

靈覺寺

東山寺卽古靈覺寺爲安南國王李日尊所建寺內大雄殿樓頭繪一虎相傳夜半虎下拜佛今觀石上虎跡宛然

泥城

古泥城二一距乾體三里許一距乾體里許諒山之役恐法人由北海襲廉同時築此以禦之距今三十年

千歲墳

千歲墳在白龍城內明太監某監採珠歿葬於此

東坡井

東坡井昔稱爲佳泉今已變惟定海門外沙窩井泉清冽無比品茗者爭汲之

元妙觀

元妙觀爲宋元祐中建明知府張岳以觀地易爲府學而移觀於海角亭左後復故處大學士彭時記

廣東考古輯要

東坡故居

東坡故居舊爲鄧擬園林康基田知廉州重築亭有清樂軒長春亭扁舟亭綠湖環繞風景絕佳落成日康餞別張明府於亭中就席賦詩云主賓互換此開筵把酒臨風勝事傳九曲河橋通碧漢千家漁火出重淵長春亭畔明如畫清樂軒前醉欲仙北轍南轅今昔異風流儒雅似當年民國初藥局轟亭毀將扁舟亭改爲歐式古碑短碣多棄荒烟蔓草間昔賢勝跡多失之矣

李孝子墓

李孝子淨本墓在五峰山爲楊姓所侵據互訟不決李經野
知廉州乃廣搜憑跡斷歸孝子並賦詩紀之有空山雷雨泣
松楸句

靈覺寺鐘

相傳宋政和中靈覺寺鐘一夕飛去旣明懸空而下鐘猶濕
居人言縣南二里灣中每夜有鐘聲謂必與龍戰寺僧鑿去
頂上龍角乃止今鎖以鐵絙置府學宮事不經見然陶範之
精巧鐫字之迥麗亦一奇物甯衛將軍管領南柵聖翊賜金
圓符陳遣奉命西伐軍次單哈海口與士卒漁於海畔偶得
茲鐘視之無窳_撫之形叩之有瀏亮之聲頗若新出於鑪鞴
者徧示諸將皆以爲吉兆乃載歸入寺其銘曰嗚呼斯鐘八

音之一沉於海波殆成棄物數不可逃理有可必舉網得之
一朝浮出濯爾泥污發爾精明穹窿其質瀏亮其聲乃載之
歸童鄉之寺縣之飛樓用爲法器甯衛得鐘衆人所云鐘得
甯衛惟余所聞尙揚乃武以樹乃勳與鐘俱鳴永永無垠皇
越昌符九年歲次乙丑春二月下澣日光祿大夫守中書令
兼翰林學士奉旨賜金魚袋上護軍胡宗鷺撰中涓大夫內
寢學生書史正掌下品奉御阮廷玠書

愛園古榕

愛園在府署後有榕一株蓋數百年物也枝幹互出上下成
連理厥狀頗奇郡守吳蔭培古榕歌云廉陽榕樹天下無千
株萬株同一株入門俯仰得清氣綠雲匝地空中扶一枝偃

臥亂石際一枝雄踞危牆隅一枝深藏絡藤骨一枝高舉攀
松鬚臥者如龍踞如虎深者如屋高如閭或作飛橋勢盤折
或成古磴形崎嶇或已鈎連或中斷或若蜷伏仍前趨自來
植物有定式此獨一本兼萬殊枝幹紛綸各變態畫工相對
難爲圖千百年來地鐘毓何人手植懷當初我今宦遊到海
角榕園萬彙都荒蕪惟此槎枒歷終古涼風習習吹衣裙東
坡先生靜竹院林塘咫尺青扶疏此樹從前若早有題詩應
與瓶笙俱聞道嶺西榕最大濃陰到處連郊墟廉郡諸山近
接壤土脉一氣同濡腴農桑以外重林麓中原新政方權輿
吾曹仔肩任民物欲使炎徼皆蘇枯古來盤錯別利器仕途
翻幸逢艱虞報國有心作樑棟救時何術清萑苻婆娑生意

看不盡對此嘉木空嗟吁
樾蔭常留暍人庇樹名聊作將軍
呼登亭卻懷孟太守何必瑞應希還珠

餘園

舊試院後有危樓何學使額爲餘園

院有延青亭今圯

有遠觀山近

觀海之語以地僻人罕登臨相傳有狐居其上郡守李經野
改爲藏書樓

清樂軒扁舟亭

清樂軒在城內東北隅軒中石刻琳瑯滿壁有東坡圖像衣
冠整肅軒西爲扁舟亭翼然池上環城繞水風景絕佳

海角亭

海角亭瀕廉江西岸有蘇子瞻所書萬里瞻天橫額（真蹟）

已佚今所懸者蓋自舊額摹出）亭畔古榕參天柯幹皆奇
還珠亭

還珠亭在城東北漢太守孟嘗有善政合浦還珠人思其遺
愛作亭以表之今亭漸就傾圮

砥柱亭

附近海角亭有砥柱亭舊爲海潮澎湃擊今海門書院後有古
石屹立即其亭址也

仙人橋

閘口某山澗闊數丈相傳有仙人撐石船至澗中溯澗而上
船長丈餘中空若蓬橫泊澗中今岸邊巨石上有足跡長尺
餘並石龜一聞仙人自此登岸故附近有仙人橋云

珠官脞錄卷三

許瑞棠輯著

元旦

正月初一日爲一歲之首俗稱爲大年初一又謂之元旦
按歲首一日稱爲元旦吾國舊習處處皆然惟元旦二字不見經傳書舜典曰正月上日又曰日月正元日又大禹謨曰正月朔旦史官天官書曰初歲正月旦班書五行志曰谷永以爲歲首正月朔日是爲三朝范書儒林戴憑傳曰正旦朝賀列子曰正旦放生孔叢子曰正朝放之示有生也王燭寶典曰正月一日爲元日亦云正朝亦云三元亦云三朔崔實四民月令曰正月一日是